

## 周易乾鑿度·卷上

孔子曰。易者。易也。變易也。不易也。管三成德錢。為道德錢苞籥。易者。以言其德也。通情無門。藏神無內也。光明四通。倣【佼錢】易立節。天地爛明。日月星辰布設。八卦錯序。律歷調列。五緯順軌。四時和粟。□□選孳結。四瀆通情。優遊信潔。根著浮流。氣更相實。虛無感動。清淨炤哲。移物致耀。至誠專密。不煩不撓。淡泊不失。此其易也。變易也者。其氣也。天地不變。不能通氣。五行迭終。四時更廢。君臣取象。變節相和【移孔】。能消者息。必專者敗。君臣不變。不能成朝。紂行酷虐。天地反。文王下呂。九尾見。夫婦不變。不能成家。妲己擅寵。殷以之破。大任順季。享國七百。此其變易也。不易也者。其位也。天在上。地在下。君南面。臣北面。父坐子伏。此其不易也。故易者。天地之道也。乾坤之德。萬物之寶。至哉易。一元以為元紀。孔子曰。方上古之時。人民無別。羣物無殊。未有衣食器用之利。於是伏羲乃仰觀象於天。俯觀法於地。中觀萬物之宜。始作八卦。以通神明之德。以類萬物之情。故易者。所以經【繼錢】天地。理人倫而明王道。是故八卦以建。五氣以立。五常以之行。象法乾坤。順陰陽。以正君臣父子夫婦之義。度時制宜。作為義網罟。以畋以漁。以贍人【民】用。於是人民乃治。君親以尊。臣子以順。群生和洽。各安其性。八卦之用。伏羲氏之王天下也。始作八卦。結繩而為網【罔黃】罟。以畋以漁。蓋取諸離。質者無文。以天言。此易之意。夫八卦之變。象感在人。文王因性情之宜。為之節文。孔子曰。易始於太極。太極分而為二。故生天地。天地還有春夏秋冬之節。故生【主選】四時。四時各有陰陽剛柔之分。故生八卦。八卦成列。天地之道立。雷風水火山澤之象定矣。其布散用事也。震生物於東方。位在二月。巽散之於東南。位在四月。離長之於南方。位在五月。坤養之於西南方。位在六月。兌收之於西方。位在八月。乾制【剝黃】之於西北方。位在十月。坎藏之於北方。位在十一月。艮終始之於東北方。位在十二月。八卦之氣終。則四正四維之分明。生長收藏之道備。陰陽之體定。神明之德通。而萬物各以其類成矣。皆易之所包也。至矣哉。易之德也。孔子曰。歲三百六十日而天氣周。八卦用事各四十五日。方【而清】備歲焉【事清】。故艮漸正月。巽漸三月。坤漸七月。乾漸九月。而各以卦之所言為月也。乾者。天也。終而為萬物始。北方萬物所始也。故乾位在於十月。艮者。止物者也。故在四時之終。位在十二月。巽者。陰始順陽者也。陽始壯於東南方。故位在四月。坤者。地之道也。形正六月。四維正紀。經緯伸【正黃】序。度畢矣。孔子曰。乾坤。陰陽之主也。陽始於亥。形於丑。乾位在西北。陽祖微據始也。陰始於巳。形於未。據正立位。故坤位在西南。陰之正也。君道倡始。臣道終正。是以乾位在亥。坤位在未。所以明陰陽之職。定君臣之位也。

孔子曰。八卦之序成立。則五氣變形。故人生而應八卦之體。得五氣以為五常。仁義禮智信是也。夫萬物始出於震。震。東方之卦也。陽氣始生。受形之道也。故東方為仁。成於離。離。南方之卦也。陽得正於上。陰得正於下。尊卑之象定。禮之序也。故南方為禮。入於兌。兌。西方之卦也。陰用事。而萬物得其宜。義之理也。故西方為義。漸於坎。坎。北方之卦也。陰氣形盛。陰陽氣含閤。信之類也。故北方為信。夫四方之義。皆統於中央。故乾坤艮巽。位在四維。中央所以繩四方行也。智之決也。故中央為智。故道興於仁。立於禮。理於義。定於信。成於智。五者道德之分。天人之際也。聖人所以通天意。理人倫。而明至道也。昔者聖人因陰陽。定消息。立乾坤。以統天地也。夫有形生於無形。乾坤安從生。故曰。有太易。有太初。有太始。有太素也。太易者。未見氣也。太初者。氣之始也。太始者。形之始也。太素者。質之始也。氣形質具而未離。故曰渾淪。渾淪者。言萬物相渾成而未相離。視之不見。聽之不聞。循之不得。故曰易也。易無形畔【疇】。易變而為一。一變而為七。七變而為九。九者。氣變之究也。乃復變而為一。一者。形變之始。清輕者上為天。濁重者下為地。物有始。有壯。有究。故三畫而成乾。乾坤相並俱生。物有陰陽。因而重之。故六畫而成卦。三畫已下為地。四畫已上為天。物感以動。類相應也。易氣從下生。動於地之下。則應於天之下。動於地之中。則應於天之中。動於地之上。則應於天之上。初以四。二以五。三以上。此之謂應。陽動而進。陰動而退。故陽以七。陰以八為象。易。一陰一陽。合而為十五。之謂道。陽變七之九。陰變八之六。亦合於十五。則象變之數。若之一也。五音六律七變。由此作焉。故大衍之數五十。所以成變化而行鬼神也。日十干者。五音也。辰十二者。六律也。星二十八者。七宿也。凡五十。所以大闔物而出之者也。孔子曰。陽三陰四。位之正也。故易卦六十四。分而為上下。象陰陽也。夫陽道純而奇。故上篇三十。所以象陽也。陰道不純而偶。故下篇三十四。所以法陰也。乾坤者。陰陽之根本。萬物之祖宗也。為上篇始者。尊之也。離為日。坎為月。日月之道。陰陽之經。所以終始萬物。故以坎離為終。咸恒者。男女之始。夫婦之道也。人道之興。必由夫婦。所以奉承祖宗。為天地主也。故為下篇始者。貴之也。既濟未濟為最終者。所以明戒慎而存王道。孔子曰。泰者。天地交通。陰陽用事。長養萬物也。否者。天地不交通。陰陽不用事。止萬物之長也。上經象陽。故以乾為首。坤為次。先泰而後否。損者。陰用事。澤損山而萬物損也。下損以事其上。益者。陽用事。而雷風益萬物也。上自損以益下。下經以法陰。故以咸為始。恒為次。先損而後益。各順其類也。

䷗ 孔子曰。昇者。十二月之卦也。陽氣升上。陰氣欲承。萬物始進。譬猶文王之修積道德。弘開基業。始即昇平之路。當此時也。鄰國被化。岐民和洽。是以六四蒙澤而承吉。九三可處王位。享於岐山。為報德也。明陰以顯陽之化。民臣之

順德也。故言無咎。

䷗ 孔子曰。益之六二。或益之十朋之龜。弗克違。永貞吉。王用享於帝。吉。益者。正月之卦也。天氣下施。萬物皆益。言王者之法天地。施政教。而天下被陽德。蒙王化。如美寶。莫能違害。永貞其道。咸受吉化。德施四海。能繼天道也。王用享於帝者。言祭天也。三王之郊。一用夏正。天氣三微而成一著。三著而成一體。方知此之時。天地交。萬物通。故泰益之卦。皆夏之正也。此四時之正。不易之道也。故三王之郊。一用夏正。所以順四時。法天地之通錢道也。

䷐ 孔子曰。隨上六。拘繫之。乃從維之。王用享於西山。隨者。二月之卦。隨德施行。藩決難解。萬物隨陽而出。故上六欲待九五。拘繫之。維持之。明被陽化。而陰欲隨之也。譬猶文王之崇至德。顯中和之美。拘民以禮。係民以義。當此之時。仁恩所加。靡不隨從。咸悅其德。得用道之王。故言王用享於西山。孔子曰。陽消陰言決。陰消陽言剝者。萬物之祖也。斷制除害。全物為務。決之為言決也。當三月之時。陽盛。息消去陰之氣。萬物畢生。靡不蒙化。譬猶王者之崇至德。奉承天命。伐決小人。以安百姓。故謂之決。夫陰傷害為行。故剝之為行剝也。當九月之時。陽氣衰消。而陰終不能盡陽。小人不能決君子也。謂之剝。言不安而已。是以決之九五。言決小人。剝之六五。言盛殺萬物。皆剝墮落。譬猶君子之道衰。小人之道盛。侵害之行興。安全之道廢。陰貫魚而欲承君子也。

孔子曰。易有六位三才。天地人道之分際也。三才之道。天地人也。天有陰陽。地有柔剛。人有仁義。法此三者。故生六位。六位之變。陽爻者制於天也。陰爻者繫於地也。天動而施曰仁。地靜而理曰義。仁成而上。義成而下。上者專制。下者順從。正形於人。則道德立而尊卑定矣。此天地人道之分際也。天地之氣。必有終始。六位之設。皆由上【下惠】下【上惠】。故易始於一。分於二。通於三。□於四。盛於五。終於上。初為元士。二為大夫。三為三公。四為諸侯。五為天子。上為宗廟。凡此六者。陰陽所以進退。君臣所以升降。萬人所以為象則也。故陰陽有盛衰。人道有得失。聖人因其象。隨其變。為之設卦。方盛則託吉。將衰則寄兇。陰陽不正。皆為失位。其應實而有之。皆失義。善雖微細。必見吉端。惡雖纖芥。必有悔吝。所以極天地之變。盡萬物之情。明王事也。丘繫之曰。立象以盡意。設卦以盡情偽。繫辭焉以盡其言。孔子曰。易。六位正。王度見矣。孔子曰。易。有君人五號也。帝者。天稱也。王者。美行也。天子者。爵號也。大君者。與上行異也。大人者。聖明德備也。變文以著名。題德以別操。王者。天下所歸往。易曰。在師中。吉。無咎。王三錫命。師者。眾也。言有盛德。行中和。順民心。天下歸往之。莫不美命為王也。行師以除民害。賜命以長世。德

之盛。天子者。繼天理物。改正燭一統。各得其宜。父天母地。以養萬民。至尊之號也。易曰。公用亨於天子。大君者。君人之盛者也。易曰。知臨。大君之宜。吉。臨者。大也。陽氣在內。中和之盛。應於盛位。浸大之化。行於萬民。故言宜處王位。施大化。為大君矣。臣民。欲被化之詞也。大人者。聖人之在位者也。夫大人者。與天地合其德。易曰。見龍在田。利見大人。又曰。飛龍在天。利見大人。言德化施行。天地之和。故曰大人。

孔子曰。既濟九三。高宗伐鬼方。三年剋之。高宗者。武丁也。湯之後。有德之君也。九月之時。陽失正位。盛德既衰。而九三得正。下陰能終其道。濟成萬物。猶殷道中衰。王道陵遲。至於高宗。內理其國。以得民心。扶救衰微。伐征遠方。三年而惡消滅。成王道。殷人高而宗之。文王挺以校易勸德也。孔子曰。易本陰陽。以譬於物也。掇序帝乙。箕子。高宗著德。易者。所以昭天道。定王業也。上術【述廣】先聖。考諸近世。采美善以見王事。言帝乙。箕子。高宗明有法也。美帝乙之嫁妹。順天地之道。以立嫁娶之義。義立則妃匹正。妃匹正則王化全。

孔子曰。泰者。正月之卦也。陽氣始通。陰道執順。故因此以見湯之嫁妹。能順天地之道。立教戒之義也。至于歸妹。八月卦也。陽氣歸下。陰氣方盛。故復以見湯妹之嫁。以天子貴妹而能自卑。順從變節。而欲承陽者。以執湯之戒。是以因時變一用。見帝乙之道。所以彰湯之美。明陰陽之義也。孔子曰。自成湯至帝乙。帝乙。湯之元【玄錢】孫之孫也。此帝乙即湯也。殷錄質。以生日為名。順天性也。元【玄錢】孫之孫。外絕恩矣。同以乙日生。疏可同名。湯以乙生。嫁妹。本天地。正夫婦。夫婦正。王道【教錢】興矣。故曰。易之帝乙為成湯。書之帝乙六世王。同名不害以明功。

孔子曰。絳者。所以別尊卑。彰有德也。故朱赤者。盛色也。是以聖人法以為絳服。欲百世不易也。故困九五。文王為紂三公。故言困於赤絳也。至於九二。周將王。故言朱絳方來。不易之法也。

孔子曰。易。天子。三公。諸侯絳服皆同色。困之九二。困於酒食。朱絳方來。九五。剋剗。困於赤絳。乃徐有說。天子三公九卿朱絳。諸侯赤絳。困之九二。有中和。居亂世。交於小人。又困於酒食者。困於祿也。赤絳者。賜大夫之服也。文王方困。而有九二大人之行。將錫之朱絳也。其位在二。故以大夫言之。至於九五。剋剗。不安也。文王在諸侯之位。上困於紂。故曰。困於赤絳。夫執中和。順時變以全王德。通至美矣。故曰。乃徐有說。丘記諸象曰。困而不失其所。亨也。貞。大人吉。以剛中也。



## 周易乾鑿度·卷下

孔子曰。自成湯至帝乙。帝乙。湯元【玄錢】孫之孫也。帝乙則湯。殷錄質。以生日為名。順天性也。元【玄錢】孫五世之末。外絕恩矣。同日以乙。天之錫命。疏可同名。湯以乙生。嫁妹。本天地之義。順陰陽之道。以正夫婦。夫婦正則王教興。易之帝乙為湯。書之帝乙六世王。名同不害以明功。

孔子曰。易。天子。三公。諸侯絨服皆同色。困九二。困於酒食。朱絨方來。九五。劓剕。困於赤芻。夫困之九二。有中和。居亂世。交於小人。困于酒食者。困於祿也。朱芻者。天子賜大夫之服。而有九二大人之行。將賜之朱芻。其位在二。故以大夫言之。至於九五劓剕者。不安也。文王在諸侯之位。上困於紂也。故曰劓剕。困於赤芻。夫執中和。順時變。所以全王德。通至美也。乃徐有說。丘記象曰。困而不失其所。亨。貞。大人吉。以剛中也。文王因陰陽。定消息。立乾坤。統天地。夫有形者生於無形。則乾坤安從生。故曰。有太易。有太初。有太始。有太素。太易者。未見氣。太初者。氣之始。太始者。形之始。太素者。質之始。氣形質具而未相離。故曰渾淪。言萬物相渾淪而未相離。視之不見。聽之不聞。循之不得。故曰易也。易無形埒也。易變而為一。一變而為七。七變而為九。九者。氣變之究也。乃復變而為一。一者。形變之始。清輕上為天。濁重下為地。物有始。有壯。有究。故三畫而成乾。乾坤相並俱生。物有陰陽。因而重之。故六畫而成卦。卦者。掛也。掛萬物。視而見之。故三畫已下為地。四畫已上為天。物感以動。類相應也。陽氣從下生。動於地之下。則應於天之下。動於地之中。則應於天之中。動於地之上。則應於天之上。故初以四。二以五。三以上。此謂之應。陽動而進。陰動而退。故陽以七。陰以八為象。易一陰一陽。合而為十五之謂道。陽變七之九。陰變八之六。亦合於十五。則象變之數若一。陽動而進。變七之九。象其氣之息也。陰動而退。變八之六。象其氣之消也。故太一取其數。以行九宮。四正四維。皆合於十五。五音六律七宿。由此作焉。八卦之生物也。畫六爻之移氣。周而從卦。八卦數二十四。以生陰陽。衍之。皆合之於度量。陽析九。陰析六。陰陽之析。各百九十二。以四時乘之。八而周。三十二而大周。三百八十四爻。萬一千五百二十析也。故卦當歲。爻當月。析當日。大衍之數必五十。以成變化而行鬼神也。故曰。日十者。五音也。辰十二者。六律也。星二十八者。七宿也。凡五十。所以大闔物而出之者也。故六十四卦。三百八十四爻。戒各有所繫焉。故陽唱而陰和。男行而女隨。天道左旋。地道右遷。二卦十二爻。而期【替錢】一歲。乾。陽也。坤。陰也。並治而交錯行。乾貞於十一月子。左行。陽時六。坤貞於六月未。右行。陰時六。以奉順成其歲。歲終。次從於屯蒙。屯蒙主歲。屯為陽。貞於十二月丑。其爻左行。以間時而治六辰。

蒙為陰。貞於正月寅。其爻右行。亦間時而治六辰。歲終則從其次卦。陽卦以其辰為貞。丑【其惠】與【爻惠】左行。間辰而治六辰。陰卦與陽卦同位者。退一辰【爻惠】以為貞。其爻右行。間辰而治六辰。泰否之卦。獨各貞其辰。共【比惠】北辰左行相隨也。而【中錢】孚為陽。貞於十一月子。小過為陰。貞於六月未。法于乾坤。三十二歲期【朞錢】而周。六十四卦。三百八十四爻。萬一千五百二十析。復從於貞。歷以三百六十五日四分度之一為一歲。易以三百六十析當期【朞錢】之日。此律歷數也。五歲再閏。故再扐而後卦。以應律歷之數。故乾坤氣合戌亥。音受二子之節。陽生秀白之州。載鍾名太乙之精也。其帝一世。紀錄事。明期推移。不奪而消焉。歷錢元歷無錢名推【握錢】先紀。曰【日錢】甲子。歲錢甲寅。求卦主歲術曰。常以太歲紀歲。七十六為一紀。二十紀為一部首。即積置部首歲數。加所入紀歲數。以三十二除之。餘不足者。以乾坤始數二卦而得一歲。未算即主歲之卦。即置一歲積日法。二十九日與八十一分日四十二【三惠】除之。得一命日【日惠】月。得積月十二與十九分月之七一歲。以七十六乘之。得積月九百四十。積日二萬七千七百五十九。此一紀也。以二十乘之。得積歲千五百二十。積月萬八千八百。積日五十五萬五千一百八十。此一部首。更置一紀。以六十四乘之。得積日百七十七萬六千五百七十六。又以六十乘之。得積部首百九十二。得積紀三千八百四十紀。得積歲二十九萬一千八百四十。以三十二除之。得九千一百二十周。此謂卦當歲者。得積月三百六十萬九千六個月。其十萬七千五百二十月者閏也。即三百八十四爻除之。得九千四【一惠】百日之二十周。此謂爻當月者。得積日萬六百五十九萬四千五百六十八惠。萬一千五百二十析除之。得九千二百五十三周。此謂析當日者。而易一大周。律歷相得焉。今入天元二百七十五萬九千二百八十五詩序歲。昌以西伯受命。入戊午部。二十九年伐崇侯。作靈臺。改正朔。布王號於天下。受錄應河圖。孔子曰。三萬一千九百二十歲。錄圖受命。易姓三十二。紀。德有七。其三法天。其四法地。五惠王有三十五。半聖人君子。消息卦純者為帝。不純者為王。六子上不及帝。下有過王。故六子雖純。不為乾坤。帝王始起。河洛龍馬。皆察其首。虵亦然。其首黑者人正。其首白者地正。其首赤者天正。謹其爻。生之甲乙丙丁戊己庚辛壬癸。各居應其國中。以動靜逆順。此天地神靈佐助之期。吉凶之應。亦【本惠】爻所生。歲三百六十五日四分日之一。以卦用事。一卦六爻。爻一日。凡六日。初用事。一日天王。諸侯也。二日大夫也。三日卿。四日三公也。五日辟。六日宗廟。爻辭善則善。凶則凶。一軌享國之法。陽得位以九七。九七者。四九。四七者也。陰得位以六八。六八者。四六。四八也。陽失位三十六。陰失位二十四。子受父母之位。行父母之事。年而謂之數。然自勉【厄惠】於軌。即位不如爻數。即不勉於軌。中厄紀【絕惠】。孔子曰。洛書摘六辟曰。建紀者。歲也。成姬倉有命在河。聖。孔表雄德。庶人受命。握麟徵。易歷曰。陽紀天心。別序聖人。題錄

興亡。州土名號。姓輔爻符。亡殷者紂。黑期火代【戊錢】。倉精受命。女【汝詩序】正昌。效【効錢】紀承餘。以著當位詩序。孔子曰。推即位之術。乾坤三。上中下。坤變初六。復曰。正陽在下為聖人。故一聖。二庸。三君子。四庸。五聖。六庸。七小人。八君子。九小人。十君子。十一小人。十二君子。十三聖人。十四庸人。十五君子。十六庸人。十七聖人。十八庸人。十九小人。二十君子。二十一小人。二十二君子。二十三小人。二十四君子。二十五聖人。二十六庸人。二十七君子。二十八庸人。二十九聖人。三十庸人。三十一小人。三十二君子。三十三小人。三十四君子。三十五小人。三十六君子。三十七聖人。三十八庸人。三十九君子。四十小人。四十一聖人。四十二庸人。孔子曰。極至德之世不過此。乾三十二世消。坤三十六世消。代聖人者仁。繼之者庸人。仁世淫。庸世狠。二陰之精射三陽。當卦自掃。知命守錄。其可防鈎鈐。解命圖興。孔子曰。丘文以候【侯黃】。授明之出。莫能雍。孔子曰。復十八世消。以三六也。臨十二世消。以二六也。泰三十世消。以二九。二六也。大壯二十四世消。以二九。一五也。夬三十二世消。以三九。一四也。孔子曰。姤一世消。無所據也。遯一世消。據不正也。否十世消。以二五也。觀二十世消。以二五。四六也。剝十二世消。以三【二患】四【六患】也。孔子軌【曰患】。以七百六十為世軌者堯。以甲子受天元。為推術。以往六來八。往九來七為世軌者文王。推爻四。乃術數。孔子曰。以爻正月。為享國數。存六期者天子。欲求水旱之厄。以位入軌年數。除軌竿盡。則厄所遭也。甲乙為饑。丙丁為旱。戊己為中興。庚辛為兵。壬癸為水。卧算為年。立算為日。必除先入軌年數。水旱兵饑得矣。如是乃救災度厄矣。陽之法。孔子曰。天之將降嘉瑞應。河水清三日。青四日。青變為赤。赤變為黑。黑變為黃。各各三日。河中水安井。天乃清明。圖乃見。見必南向。仰天言。見三日以三日。見六日以六日。見九日以九日。見十二日以十二日。見十五日以十五日。見皆言其餘日。孔子曰。帝盛清德之應。洛水先溫九日。後清乃寒清五日變為五色。元黃初天地之靜。書見矣。負圖出。午聖人。見五日以五日。見十日以十日。見十五日以十五日。見二十日以二十日。見二十五日以二十五日。見三十日以三十日。孔子曰。君子亦於靜。若龍而無角。河二日清。二日白。二日赤。二日黑。二日黃。虵見水中。用日也。一日辰為法。以一辰二辰。以三辰。以四五辰。以六七辰。以八九辰。以十辰。以十一辰。以十二辰。夜不可見。水中赤煌煌。如火英。圖書。虵皆然也。孔子曰。復。表日角。臨。表龍顏。泰。表載干。大壯。表握訴。龍角大辰【唇患】。夬。表升骨履文。姤。表耳參漏。足履王。知多權。遯。表日角連理。否。表二好文。觀。表出準虎。剝。表重童明歷元。此皆律歷運期相。一匡之神也。欲所按合誠。洛書靈准聽曰。氣五。機七。八合提。九爻結。八九七十二。錄圖起。初世者。戲也。姬通紀。河圖龍出。洛書龜予。演亦八者。七九也。始倉甄節。五七受命。德錢。數運不俗。守錄以次第。相改七九

度。變命失寶。合七八。八名畢升。漸喜。六十四。精聖性象。有錄第。以所變。承【畢錢】運【動錢】動。日者提。不者殆。易物之慎命不在。作者霸。橫者距命。歷掘執並。投者上。契輔摘。推失排【緋黃】絀者。咸名紀。所錯中。與用材毀直。五行旋代出。輔運相拒。與更用事。終始相討。期有從至。有餘運。有託除。要有知衝。合七八。以視旋機審矣。孔子曰。至德之數。先立木金水火土德。合三百四歲。五德備。凡一千五百二十歲。大終復初。其求金木水火土德日名之法。道一紀七十六歲。因而四之。為三百四歲。以一歲三百六十五日四分乘之。凡為十一萬一千三十六。以甲為法除之。餘三十六。以三十六錢甲子始數立。立算皆為甲。旁算亦為甲。以日次之。母算者。乃木金火水土德之日也。德益三十六。五德而止。六日名甲子。木德。主春。春生。三百四歲。庚子。金德。主秋。成收。三百四歲。丙子。火德。主夏長。三百四歲。壬子。水德。主冬藏。三百四歲。戊子。土德。主季夏至養。三百四歲。六子德四正。四正。子午卯酉也。而期四時。凡一千五百二十歲。終一紀。五德者。所以立尊號論天弗志長久。孔子曰。丘按錄識論國定符。以春秋西狩。題釗表命。予亦握嬉。帝之十二。當興平嗣。出妃妾。妾得亂。不勤竭承。維表循符。當至者塞。政在樞。害時失命缺壽。以符瑞伏代災。七錄握藉。成年剝衰【衰錢】。期凶勅候。修身練缺郵。專兌。兌德始剋。免延期。自然之識。推引相拘。沮思愈知命不或世。帝思圖也。夫天道三微而成一著。三著而體成。

版本信息：安居香山、中村璋八輯《緯書集成》，河北人民出版社，1994年。底本為台灣四部集要本《易緯八種》，1963年。

編者按語：七經緯早佚，蓋今所見者皆為明代以後輯佚的，簡篇錯亂，難以配經，惟易緯篇幅稍完。吾所見《周易乾鑿度》中源出明本的有雅雨堂叢書之錢叔寶本和永樂大典本。清本中四庫本即採用永樂大典本，常見之武英殿本為四庫本與錢叔寶本、范欽本互校後的本子。河北人民版《緯書集成》易緯出自台版四部集要本，亦屬殿本系統，間有錯漏，須校改。林忠軍《易緯導讀》（齊魯書社，2002年）有整理，編者多有利用。藍色為增字，紅色為刪字，黑魚尾括弧中為改字。字後小楷字標出改動出處，錢為錢叔寶本（雅雨堂叢書），選為文選，孔為易孔穎達疏，義為易正義，黃為黃氏逸書考，清為清河郡本（已佚，唯藉黃氏而存若干），惠為張惠言略義，燭為玉燭寶典，廣為廣雅書局本（光緒翻刻殿本），詩序為毛詩序，初為初學記。無小楷字則為編者改。另舊有鄭康成注，今省。黃帝降生四千七百三十一年十一月廿五（西元2021年1月8日）寫定。